

六一山房詩集

六一山房續集卷三 乙亥

鄧董沛覺軒

乙亥

人日泛舟

長河東去布帆輕
人日扁舟曉日迎
殘雪未消山更近
薄冰初解水能鳴
寒香過鼻郵梅笑
新綠盈眸野菜生
暢好出門占鵲語
勞渠一路報春晴

金峩山館雅集分得父字

初夏天氣清
山月照庭戶
落落萍水蹤
因風使之聚
淮陰肯臨臣
甘與噲等伍
歡然解別牂
高會狎賓主
浙水

一葦杭平昔已編紵對酒今不辭安問沽與醕分曹鬪
競病拈闢仿鉤距客皆詩中豪眉色半飛舞海雲去不
回凌空想軒舉一卷天地閒東望揖巢父

謝通聲廣文

駿德

擬刻甬上續耆舊集而籌費頗

不易余謂前八十卷乃桑海諸公遺什可先刻之
寄此以堅其約

薇麥羅叢稿編詩逮

盛朝且將遺老集先付手民雕傳寫文多誤滄桑劫已
銷谷音無繼響薪火更遙遙

蔡季白郎中爲余刻詩集賦此志謝

微名苦相縛自戀春蠶絲敢謂做帚享可值千金貲中
郎有真契琴笛皆相知愛我舊篇什爲之付棗梨空同
豪邁氣信陽諧雅辭前明兩作者云我亦庶幾篋中經
史稿整比無暇時君曰宜努力次第將刻之此意良可
感落落今人稀投詩謝前諾且以要後期

宿許家嶼

山色青青四面堆湖中懸島一樓開枯流礙櫂無遊舫
高樹當門有釣臺過嶺雲隨飛鳥去隔隄人喚賣魚來
良朋雜酒宜良夜明月清風共舉杯

紀陶公山王氏婦

陶公山下王氏婦石破天驚世希有兩男相悅吾聞之
兩女相悅真絕奇尋常燕好閨房親滴酒不肯沾齒唇
一飲能盡三五觴一醉便化男子身王家夫壻出門久
婦飲沈酣怡思偶鄰家少孃十八九朝暮相依若牝牡
銀燈繡榻嬉笑聲隔牆有耳人竊聽鴛鴦出浴酒氣醒
借見朽落還女形翻手爲雲覆手雨顛倒陰陽亂無主
一醒一醉相雌雄歡伯之力天帝同夫歸瑣瑣窮其事
兩女含羞兩頭縊七月二十
八日事五不女外一種人佛所未
曉吾所聞

錢湖曉發

晨光辨熹微撐船出湖渚漁者抱鷗眠猶聞夢中語

賀陳希彥

熙績

領解

五番榜錄菊花秋鄉國翩翩兩解頭

張兵部祥椿以乙丑領解

一輩

科名稱盛事十年風雨慰前遊詩書舊擁經師席囊篋
新添客子裘恰趁西郊觀社火期君置酒共登樓

短歌

磨刀屠龍不如殺狗座有儔父曷飲吾酒

二

機心一起四面皆鬼嬰兒嬉嬉手捋虎尾

三

蜉蝣奚樂蟪蛄飲之藥啁啁黃雀僬僬視爲鶴

四

當飢吾食當倦吾息樂國樂國在華胥之側

鄭志成諸友將歸悵然有作

琴劍依依歷歲年酒香鐙影悵離筵平生難得友朋樂

彼我同參文字禪纂錄圖書千種外

引用書凡千六百餘種飄搖

風雪一江邊明朝幸可開晴色短棹輕裝各下船

寓章耆巷示袁諤齋明經

杰

客歲寓月湖今冬復徙宅三遷靡定居埽榻暫依息南
牖設几案東壁貯圖籍在笥宜疊衣行廚可謀食盆花

無悅姿庭樹有淒色門靜風欲開地隘雪逾積高臥呼
袁安相與共晨夕

演番部合樂辭

天命真人起大東遼金舊域早從風旅獒哨鹿諸蕃部

娶婦來京燕犒豐

開國之初若長白二部南北關四部東海三部皆遼金舊壤編入滿洲惟

混同江南使犬之赫哲部江北使鹿之奇勒爾部費雅喀部不編佐領同於羈縻州每來京娶婦禮部光祿寺供筵宴工部供薪芻著爲令蓋其俗荒陋命娶內地女以化之如漢唐宗女下嫁之例

二

庫頁孤懸海島長健丁西渡有舟航貂牲貢道殊遼隔

使者權停普祿鄉

庫頁島在吉林東海中迤長千里天聰十年曾遣舟師取其壯丁島長歲

貢以其地絕遠不能至甯古塔例於六月集普祿鄉將軍遣章京往收之距甯古塔三千里今此島爲日本俄羅斯所爭覲而歲貢如故

三

書稱不穀表稱臣統轄三韓舊比鄰莊穆入朝班第一

古來箕子本王賓

朝鮮舊爲兄弟之邦奉書稱不穀太宗以崇德元年親征入其王京始

稱臣納貢莊穆王李侖朝見於三田渡行帳位在親王上

四

甌車歲歲入關來貢物頻將定數裁筵宴上元循故事

使臣恩許右班陪

朝鮮一年四貢以年終併進歷朝免貢物視崇德舊額僅存什一陪臣

入都輒預上元宴位在西班牙之末

五

元朝支裔徧龍荒南部咸推察罕強親獻累朝傳國璽

帝教執梃冠諸王

漠南蒙古林丹汗雄甲諸部爲王師所滅其子赫哲奉傳國寶來降

太宗封爲親王位冠諸貝勒傳弟布爾尼以叛殊

六

金幣分頒禮數殊禮華屢降肅離車獅龍七寶歸天上

猶想當年奉慰書

科爾沁世姻帝室屢尙公主郡縣主其親王歲俸銀二千五百兩幣四

十郡王千五百兩幣二十他部落則親王二千兩幣二

十五郡王千二百兩幣十五也
奉恩獅龍七寶
用其書中語

七

吉蘭花馬擁鹽池元昊遺封列九旗應笑三邊籌戰成
勝朝蒿目望西陲河套部七旗有花馬池賀蘭部二旗
有吉蘭池聽邊人購鹽而收其稅秦
隴多食之其地
皆西夏舊壤

八

秋獮灤河馬正肥風馳雲驟壯軍威羣藩張幕觀行獵
天子親臨大合圍木蘭秋獮爲撫綏蒙古之盛典內外
札薩克皆分班隨扈圍場在多淪泊
距古北口
三百餘里

九

和林南界接長沙回紇王庭此建牙駿馬明駝輸九白
北天星斗拱中華元起和林卽回紇建牙之所漠北蒙
古喀爾喀皆元後也
國初入貢以

白駝一白馬八
日九白之貢

十

宮殿新開塔密河侍姬舞劍侍臣歌一門三世稱勳閭

功比西京衛霍多

賽音諾顏爲喀爾喀西部裏王策凌
屢敗準噶爾威震漠北世宗詔城

塔密爾河建宮室如京師賜第王有侍衛綽克渾能一
日夜行千里最立功王與之飲酒侍衛曰請王侍姬爲
奴舞劍奴請爲王歌乃歌朔風高一闕王大喜以侍姬
賜之王世子成袞雜布副守西藩其弟車布登札布其
子那旺多爾濟並以戰多
膺勳賞外藩莫與京焉

十一

五千甲騎勢騰騫出塞經行兩月天俘得阿孃諸眷屬

岳家軍唱肉飛仙

青海蒙古羅卜藏丹津叛將軍岳鍾
琪討之以偏師疾擒其巢俘賊母弟

妹及諸首領斬級八萬羅卜藏
丹津衣婦人衣走入準噶爾

十二

萬木森森古戰氛秦軍西上寇西奔
闕與先占登山著

不殪名王殪可敦

西域準噶爾蒙古世強盛其酋噶爾丹據漠北屢擾邊界聖祖再駕親

征賊走昭莫多大將軍費揚古以西師邀之磨步騎先據小山而以奇兵襲陣後賊大敗厥妃阿努死焉昭莫多蒙古語大樹林也明成祖敗阿魯台即其地

十三

大渠前導樹降旛兩路旌旗出玉關
二十五人宵突陣

天風一掃格登山

乾隆初準噶爾相繼篡奪會長薩喇爾阿睦爾撒納等破關降高宗命

班第永常爲將軍兩路出師而以阿會副班第薩魯副永常建舊藩先行諸部望風歸附其汗達五齊擁萬人

保格登山待衛阿玉錫率二十五騎夜襲其帳橫矛大呼賊瓦解收降眾七千人達瓦齊南竄烏什爲回會霍吉斯尙獻

十四

狼子何能革野心漁當竭澤獵焚林烏孫城郭輪臺戍

炎暘全消積雪陰

準地初平分建四部以降會阿睦爾

撒納爲杜爾伯特汗噶爾藏爲綽羅
斯特汗巴雅爾爲輝特汗沙克都爲和碩特汗已而阿
會先叛噶爾巴會繼之上震怒命諸將軍分道搜剿
熏山網谷禽獸無子遺惟沙克都不從亂爲雅爾沙善
所坑沙克都夫妻宛轉帳中相抱而死於四部中實不
幸焉遂開新疆建伊犁迪化諸城堡
興屯列戍同於內地至今稱重鎮

十五

猶擁單于舊號尊天山遺種此孤存東遷廬帳原行國

禾稼兼收塞外屯阿爾巴特既叛以杜爾伯特故部封三車
多之東凡十四旗蒙古本行國惟特游
牧杜爾伯特兼資耕種有屯田之利

十六

枵腹開關繞道行衣糧絡繹慶重生開都河畔多青草

牧馬春風兩岸平

土爾扈特本準夷舊四部之一明季投俄羅斯乾隆中伊犁甫定其汗烏

錫巴以十六萬口南行爲哈薩克布魯特所截改由戈壁間絕水草旬日始至伊犁僅存七萬餘口詔給馬牛羊二十六萬糧茶裘布氈棉稱是以哈拉沙爲其牧地傍開都河兩岸水草廣莫俾建牙焉

十七

一家經呪出天方伯克司城納稅糧萬里盡歸都護節

三通三絕笑延光

回部在天山南其祖國曰天方則在小西洋乾隆中平定西域設西四城

東四城最東三城皆以大臣鎮之回目
稱阿奇木伯克自三品至七品凡五等

十八

玉山玉水孕奇胎自昔于闐採取來不道莎車新建閼

河神受享亦呈材

和闐古于闐產玉甲天下葉爾羌古

產玉遂盛嘉慶四年葉爾羌山獲
大玉重者至萬餘觔亦一奇也

十九

牲幣交通市易車暑寒徙帳本康居還看捐毒循休境

大勇鴻仁拜獻書

哈薩克左右三部古康居布魯特東
西二十部古捐毒循休皆通貢市爲

新疆外藩西部長阿濟畢奉將軍書有云如素資滿佛
之鴻仁魯斯坦之大勇蓋皆回部舊汗之賢者故舉以
爲頌焉

二十

嶺外星羅小國君大宛烏程月氏分東來一例頒文綺

慰爾關河使節勤

會典列朝貢之國在蔥嶺西者以霍

部也霍罕古大宛拔達克山愛烏罕爲著餘皆附庸
愛烏罕古大月氏今皆爲鄰國所并

二十一

雪山禪榻證前因不愧金剛大士身西北蕃侯無異教

熬茶齊祝再來人

西藏達賴班禪世世轉生不昧本來
爲釋教之宗主太宗遣使存問稱

曰金剛大士爲我朝通藏之始其後達賴以順治中入

覲班禪以乾隆中入覲皆蒙殊禮蒙古番人入藏熬茶

膜拜頂禮各部落皆建

寺廟奉大喇嘛居之

二十二

白象金樓黑水邦老官屯外奉書降穹碑重讀前朝誓
 石爛江枯爾渡江緬甸初未受封自稱西南金樓白象主金沙江由其國入海或謂即禹貢
梁州之黑水也乾隆中經略傳恆征緬甸老官屯其酋以貝葉書乞降石爛江枯爾乃得渡明靖遠伯王驥與緬人誓語

二十五

單使經由普洱關遠輸象翠列年班春官不遣諸曹屬
 丞倅舟車伴往還南掌十年一貢由普洱府款關入境以丞倅伴送至京其歸也仍遣原伴
官護之安南緬甸暹羅蘇祿琉球則皆命禮部司官送之省會也

二十六

遠拓南洋第一洲三方鼎峙屢尋仇尉佗本是中原產

北面輸忱戀首邱暹羅國王鄭昭爲永歷遺臣之後本中國人與緬甸安南皆世仇事天

朝最恭順

二十七

萬壽筵開萬國春代身不敢貢金人灤河親預山莊宴

十闕登歌樂府新安南阮光平奪黎氏國以乾隆五十

河山莊班親王下郡王上賜冠帶受封光平獻頌詩十章

二十八

新阮恩恩十二秋黎甥依舊復交州越南改賜塗金印

上藥名香歲事修阮光平號新阮受封十二年而其子

黎氏甥世守越裳地號舊阮乞以南越名國朝議謂與尉佗同號改爲越南國王外藩之印惟朝鮮用金條國

皆銀印以
金塗之

二十九

呂宋文萊錯壤區土生班竹水生珠風帆不避重洋險

五載修箋貢上都

蘇祿在東南洋舊分三部明永樂中東王西王垺王俱入朝今併爲一定

五年一貢

三十

中山一境最文柔侍子頻來太學遊三十六家官世守

大夫名號古諸侯

琉球尙文王子及大臣子弟每入國子監讀書五年遣歸明初以閩人三

十六姓賜其國國之大夫長史等官多其後也

三十一

絕島舟航泊虎門蹄灣勺水舊知恩預防鯨鱷無活浪
聖祖煌煌寶訓存西洋諸國貢道由虎門蹄灣勺水荷蘭國表中語也聖祖有言島國互
市廣東百年後必爲中國之患

三十二

鄧至高昌蕞爾城巡邊使節例郊迎前朝衛所俱停襲
關隴諸羌尙故名甘肅青海西藏番目稱指揮千百戶世世承襲使者巡邊不論高卑俱跪
上迎境

三十三

王師深入兩金川豈比尋常蜀道難竇爨至今歸版冊
西封奚藉一泥丸大小金川在四川邊外地絕險乾隆中再舉平定番部震懾百餘年來蜀

邊諸土司
無反側患

三十四

改土歸流計絕倫滇黔楚粵烈山焚風霆開豁深嚴瘴
紉縵南天覩慶雲雍正中總督鄂爾泰創改土歸流之
議桀驁蠻目一例革除雲貴湖粵之
民稍息肩焉於時慶雲
屢見滇省蓋祥徵也

三十五

八排六對石嵯峨箐密林深洞作窠編戶屢叨鹽布賞
錦衣花帽出山多廣東諸徭深踞嶺脊蔓三省邊界不
設土官有生熟二種編戶應役歲以
鹽布
給之

三十六

計戈立社闢屯田一帶山城樹作藩東海更添臺北府
中興聲教迄諸番臺灣中互大山北路東路舊多番地近歲廣闢田廬深入其腹設淡水新竹宜蘭三縣建臺北府以轄之別設恆春縣仍隸臺灣府番有生熟二種如廣東之獠黎計田以戈稱鄉曰社皆其俗也

六一山房續集卷三

六一山房續集卷四

丙子丁丑

鄞董沛覺軒

丙子

將入都門留別陳魚門太守

紛紛孝廉船戒日登水程吾亦未免俗逐隊將北行顧
念桑梓書上繼乾道經完帙待鐫刻於事難久停惓惓
鄉國夢落落關河征登場一角藝便可歸自京召彼攻
木工次第付殺青毋俾九仞山功歉一簣成

二

出手儻得盧內外有官事安能坐家園長日校圖志不

如先期歸仍理舊生計慈恩果題名猶需殿廷試一載
閒住身留以役文字况我樗散材亦未稱利器留詩告
元方投壁作明誓客子南帆來江花尙春氣

上海縣

江浦依城郭洪流日向東地原推緊望人已雜華戎絃
管春風際帆檣夕照中虞袁防海處遺址草叢叢

紫竹林

河流東下灣復灣輪船擱淺如擱灘一推一送借潮力
潮力不勁船行難到紫竹林水逾少擁沙爲隄作官道
南來海舶齊駐輪此日街衢舊荒草樓房連互周垣高

百貨駢集綱丁勞驢馬背負人肩挑獨輪車子繩繫牢
西人鬖髮眼深紫手曳長鞭看行李傾翻囊篋搜衣裝
人不畏官殊畏鬼我來便喚津河舟長身平底中無樓
蓬窗低廠客宜坐岸樹斜掠風似秋浮橋解纜我舟過
津門水軍夜巡邏收帆且泊丁字沽客尙能談僕已臥

潞河舟中

偏是垂楊路孤舟客思綿塵多頻袂拭水逆賴繩牽高
樹昏鴉語橫隄倦憤眠數家茅屋近向夕買魚鮮

旅夜

深宵寂寂旅懷孤燈影沈沈月影虛身世微名憐禿筆

江山舊夢憶征車天高難冀賢臣領地遠頻看弱弟書
休問自家生意好門前叢草半芟除

賀張霽亭師

涇陽

擢京尹

三載陪京地輜軒按部來濊溪新建學豐鎬舊儲材俗
漸歸聲教功同闢草萊吾

皇深倚注策馬自東回

二

少尹猶平轉難窺

帝眷殊一朝咨岳牧千里筦

皇都清樹希仁節榮頒子蓋符和詩當據案餘韻繼錢

蘇

贈樊雲門同年

增祥

樊君矯矯七尺軀遠從楚塞來燕都天馬不肯受羈勒
囊有寶劍胸有書披書坐對城西廬劍光夜照心膽粗
城西高樹厲霜色杳杳蕩入江雲孤施南舊號蜀邊地
瘴霧埋空出精氣卻與越客多作緣聖水稽山半投契
吾生落落文字知眼中惟爾稱最奇兩京訓詁六朝筆
許鄭徐庾皆所師長安並轡春風馳春花飛灑春人衣
可憐相見未十日吾將別爾褰裳歸歸途迢迢隔滄海
薊北江東兩心在明年重讀新著書解劍行沽君可待

春暮南歸留別同寓諸子

東皇同一餞明便放船歸
春去衣香散宵寒酒力微
關河憐獨客桃李怨殘菲
猶有懷人意常隨北雁飛

黎明大霧暫駐漁山洋亭午始入浹口

混茫接天海元氣相吐吞
羣山錯峯勢一一皆沈淪
駐船姑弗南無從指迷津
恐被石礪觸微命難圖存
憑舷阻遙望涇漬衣袂痕
豈負吾已仙能駕閭闔雲
量水測深淺知近舟山屯
澎湃波濤中隱見扶桑暾

二

朝暾漸吐光霧氣半消散
船行無急輪何敢怨遲慢
客

子昨暮餐晝日劍無飯糕餌聊解飢津唾苦相嚙迎頭
忽見山蛟虎勢雄健此是吾州門一瞬到鄉縣浹口佔
人舟繫纜傍崖岸齊讓輪船過江水捲如練

招洪子清儀部

應祥

校鄞志

袁宏已逐江船去

謂袁謬齋明經

陳埴難移講座來

謂陳琴淮圖孝廉

雨別風須細勘蓬門今可爲君開

二

一載春曹乞假身夜燈書味本相親華陽國志重披閱
同是臨邛市上人

書鄞志後

圖籍羅今古全書始告成一生精力萃九載暑寒更例
與前人異功資眾手擎虬螭憑爾撼大樹早知名

何春墅貳尹

瑛

招諸伶同飲月湖舟中

綺窗繡榻沙棠舟微波漾碧篙櫓柔美人娟娟好顏色
聯翩入座交勸酬紅橋一曲月一鉤似與人比眉嫵修
纖聲或恐管絃膩弱體尙嫌羅縠揉水部款作消夜遊
明星錯落螢火流賭歌不買燕市酒選伎亦笑秦淮樓
涼花寂寞芙蓉洲殘荷褪粉紅欲收湖亭水榭殊減色
眾芳一渡聊解羞贈以金縷心暗投要之玉佩當少留
淺斟低唱坐闌燭東方未明樂未休

歌扇詞

涼袷輕衫瘦不支舞臺收影費猜疑桃花馬上翩翩隊
趁好隋隄看冶兒

二

生長蘿村舊浣紗天然麗質玉無瑕靜參十地童眞果
不作春風蕩冶花

三

流雪迴風宛寫生晶簾依約月分明自饒一種嬌憨態
冰水青藍合喻卿

四

稚杏纖桃取次開
燈筵著意勸銜杯
憐他眉宇多春色
知帶西池秀翠來

觀秋社

秋報殷邨社官河
日日遊麾旛天府
仗燈鼓市門樓鄉
味饒魚蟹歸舟狎
鷺鷥廿年無此興
到眼慰豐收

哭洪筱鄉孝廉

璇樞

五十韻

窮陰屈大冬霜飈厲寒氣忽接君
訃音安禁潛焉涕東
髮稱交遊結習在文字君方下陳榻
我亦日月至高門
多雋才與我半心契談論雜詼諧
豪飲不辭醉怡怡春
風中滿座樂和藹往往宵續燈漏盡
尙無寐維時臨淄

侯謂令兄能鄉明府

齊東返征轡壘旆唱酬後進盡投贊壇

坵一以尊冠裳列嘉會猥以中夏盟容我作陳蔡此樂
非可常轉眼水同逝恩恩纔數年君兄遽厭世天壤悲
隻輪獨處有哀汨顧念諸舊遊益復親臭味亡何戎馬
驚羽檄報飛騎明州濱海區城門晝常閉時我出從軍
相見殊不易每得君惠書頗亦憂侘傺馴至辛壬交大
寇涉吾地鄉里遭播遷行吟苦顛顛葢爾江北村一水
限衣帶西番羣聚居聊可資保衛君早謀所安我來亦
相繼矮屋三兩椽牀案閒筐笥朝夕恆往還妻孥不復
避幾忘離亂愁撫掌論時事

景運開中興南天埽氛翳各各返故廬依然舊家計時
君主講席我乃纂鄉志自此頻把晤歡好若昆季可憐
君命途苦受兒女累天逝無一存何言爲君慰荏苒甲
子周君竟病勞瘵容色日益枯非復舊時態今歲我南
歸君來僅再次爲之參版經憂君甚矣憊奄奄兩月餘
時復進藥餌終見梁木摧覆苓亦何濟結交三十春情
狀宛如繪忍看君入棺裝裹此遺蛻江波暗不流慘象
落羣卉悽惻披素帷清酒向君酌疇昔晤笑顏今乃見
圖畫鬚眉尙依然何處接君話浩浩塵夢中浮生歎苦
寄明月照屋梁懷舊有餘思每念君生平制行自完粹

墓木台拱岡行當作阡誌

送同年陶子綬庶常 方琦 還會稽

殘臘雪初霽吾嗟別酒寒寓廬喧市井歸櫂過江灘交
賤行囊澁潮平旅夢安春燈麗元夕遲汝續今歡

丁丑

火輪車

一車鼓火紅始然羣車絡繹相鉤連前輪旣鳴後輪應
下有鐵路平紐絃螺聲嗚嗚鬼招客價分三等齊給錢
車廣綯長形若櫃玲瓏窗格排兩邊出入有門有關鍵
雨不能淫風不穿中支枋木可列坐上客之座藉以棉

眠立隨意弗傾側如鳥斯疾如榻安村廬竹樹眼前過
頃刻變滅猶雲煙道旁立表繫繩索百步一關人守旃
毋俾村民驟橫越恐其抵觸身踣顛黃浦直下吳淞口
五十里路憑郵傳我坐此車日加午午漏未盡車已旋
嗚呼鬼工出奇巧遠從西島來中原火車豈與火船等
堙流毀塚開陌阡大官斷斷不肯許購之萬幣期一年
聞將移車往臺海東闢山路威諸番以夷治夷計亦得
偶然變法爭機先中夏之車有常制服牛乘馬王道平

送張魯生副使

斯桂

之日本

新遣摩訶使書生得志秋

天恩綬下國地望對明州壺嶠高空影豐陳舊日遊鄉
輩豐清敏使高麗
陳給事使琉球 乘槎原故事博望待封侯

登第日口號

一騎飛來姓氏傳銀袍恰稱服官年五雲深處朝題榜

漢貫書名我最先

書榜自第六起是
科鍾英滿洲人

二

雙鬢蕭蕭感歲華仙山縹緲豈吾家江南春色應無恙
擬乞安仁滿縣花

恭赴

養心殿引

見

清蹕深嚴處

宮門轉月華朝官森劍佩

天闕燦雲霞笏對聲聲澈鑪香縷縷斜從容聯步出禁

樹拂迴車

羊辛楣同年復禮招同張公東明府鳴珂陶子模

編修王同伯比部同楊雪漁文瑩樊雲門兩庶常

飲天橋酒樓卽席成歌

百年三萬六千日此日此酒登此樓樓中主客浙中產

獨有一客家施州雲門高天無翳華月流澄光倒映黃金

甌解衣磅礴豪舉一洗我輩羈旅愁詞家老筆張三
影作宰江湖歎蓬梗翩翩陶穀好翰林弱蘭歸伴党姬
著

子纈在滬上新置一姬

偶然乘風來

帝畿握手道故交勸卮楊玠捫腹貯圖籍王質咳唾成
珠璣蓮燈簇簇紅四照座有逢原最年少荆山貢出三
品金紫膽龍牙自光耀主人侘傺長安城上書不用經
無名顧其好客本家法獻酬終席同醉醒胸中一部燕
蘭錄潦倒歌場聽絲竹吾乃與之相頡頏日日斜街散
輪轂漢宮角觝唐宮仙錦衣玉貌爭華妍此樓此酒當
此日揣聲侔色飛傳箋樓頭笑語笙歌沸百囀雛喉送

花氣似聞天上多列眞豈識人間有朝貴銀河耿耿如
垂虹夜深月落聞禁鐘客有豪者尙能舞舉頭長嘯天
爲風黃塵道路幾良友此日此樓飲此酒人生會合安
可常離別年年灞橋柳

淨業湖

御河西北到城闌積雨初收岸有痕蓮葉叢中微露水
柳條深處恰開門遙山對寺雲千疊佳日登樓酒一尊
回憶故鄉湖曲路晚涼閒話釣人村

南歸留別

分袂河梁緩緩歸長亭杯酒灑征衣謝家胡蝶盧家燕

猶傍衫邊作態飛

二

我是蓬萊案吏身南歸仍號種花人
願持十萬金鈴去釀作江城面面春

到家

五度春明客今來已早秋風塵慙下吏
道路記前遊擬植萊公柏難忘季子裘
素懷吾有慕肯與世沈浮

天童寺

羣山環抱處漸入漸幽深汲水同僧話
觀雲證佛心天寒猿守榻人定鶴依琴
向夕松風急歸途送梵音

瞻崎嶺

風溪下山來行人上山去一盤重一盤去路若來路石
磴危欲傾絡以道旁樹迴環學蟻旋縮澁等龜步巖竹
青可捫壁蔓綠相附循徑出險幽慄慄敢回顧木脫猿
競號風急雁橫度漸躡山頂高疲足暫停駐放眼觀巨
洋明鏡廓昏霧洲島如弈碁一一態呈露下嶺頗迤長
雲氣尙生屨峯轉地略平嵐重天欲暮山童聞笑聲驅
牛向溪渡俯見山下村林壑得生趣疾行弗再淹默想
尙多懼從此履坦途凌空想鸞馭

大嵩所

空濛水氣鬱巖疆城樹秋來漸老蒼郡佐分防移石浦
寵丁輸課拓鹽場平疇引水循河勢斷郭依山漏日光
倦眼且休驢背客故人雞黍已相將

謂陳蓉舟
同年紹泰

二

內洋烽堠列分明小隊弓刀閱戍兵當代馭夷無上策
勝朝籌海有邊城時清已息龍蛇警地僻猶防鼠雀爭
鄉國東偏稱要害倚樓遙望倍關情

自嶺山至鄉溪

借山爲壁樹爲門山氣平連樹氣昏秋晚家家杭稻熟
白雲籬落散雞豚

二

桑葉微黃葦草青
溪流澄碧刷鷗翎
願騎馴鶴尋丹藥
小築茅廬注道經

管江弔三烈士

明諸生杜懋俊杜兆菴施邦玠也

管江烈烈三書生
一施兩杜人中英
唐王畢命魯王走
猶思手奪明州城
明州城東扼江路
昌國軍來內無助
帛書謀洩華楊擒
山寨懸懸作孤注

王師水陸分道來
海道已截山險開
蛟螭潛藏虎豹伏

滿山礮石轟驚雷
英侯

懋俊字

據寨三日戰援絕
糧空鼓

音斷倚巖不仆身
如竿飛矢叢叢貫
頭面邦玠一炬全

家焚兆苻被縛當軍門斬十二刀首方墮嗚呼烈士皆
絕倫吾鄉舊號忠義藪錢張諸公並山斗笑彼紛紛賣
國徒一霎榮華變蒼狗東隅底定二百年村無警鐸墩
無煙山農抵掌話前事鬚眉凜凜毛骨寒鵬花淚紅土
花碧猿鳥猶疑畏鋒鏑何人鼎建三烈祠能使湖山頓
增色

滬城書事

東西蕃部集舟航斗大孤城際海疆湖歛絲茶朝趁市
蘇揚歌舞夕登場龍天幻化金銀氣鴉土消磨鐵石腸
莫道相逢多鬼語吳淞舊地有陰岡

岡距吳淞口十里
居民皆日息夜作

二

荷蘭舊日貢

中朝勺水丸封語不驕
婁敬和我機漸失袁崧遺壘蹟
全銷芟平塋墓千秋憾
夷場一帶舊皆荒冢
綿互樓臺十里遙
酒味花香渾一夢
亂投銀幣送春潮

三

機房樣樣出新裁
絕技翻從絕域來
海底音書通電綫
地中燈火洩煙煤
梵音細譯同文館
厯測重添望氣臺
格致都窮形下器
可知大學講生財

四

重關鎖鑰寄吳中間粵燕遼處處通江岸野雞爭擔健
擔夫無頭目 呼爲野雞 市廬洋犬守門雄估人計利無停晷旅客
歌詩有變風鯨鯢時聞波浪險古來精衛恨難窮

夜抵鎮江

西入江門險州城鐵甕高船多燈影亂市近語聲嘈落
月聞寒笛嚴霜隕敝袍望門投旅店塵鞅不辭勞

贈馬漁珊太守

海曙

生同里閭少同游重作平原十日留夜半酒酣談往事
滿天風雪戰揚州

金山寺

十年桑海變從陸可登山
金山舊在江中同治初凍日南岸沙漲陸行可通矣
凝天色浮嵐洗佛顏舳艫千里遠
琴劍一身閒詩罷聞鐘磬
高空鳥欲還

焦山石佛詩

焦山石佛何自始唐永隆初歲辛巳九月十二丁未日
傅家三人同造此佛高八寸餘四分報答七代爺孃恩
安陽縣東槐陰寺合門頂禮天人尊漳河一旦捲僧刹
經唄銷沈存此佛佛光晦黯千百秋逮我

皇朝重解脫嘉慶八載川楚平佛有慧力濟眾生循州
趙氏希璜發宏願載此石佛來揚城明年擬送焦山寺維

眾宰官有同志

吳錫麒等
十二人

主以安邑宋葆淳刻二侍者

并題記豈料因循廿五年沈淪法座猶人閒道光庚寅

臘八日齊守

彥槐

購得纔入山山僧朝夕勤供養滿月光

明廊諸障寺中吳筆差可儔華嚴五十三參相天龍說

法魚鼉聽石庫歷歷皆藏經金山邇歲遭兵燹此寺完

好亦佛靈空王明王有遺像賜出天家拜恩賞宋頒金

玉明緯絲此石南來最年長慈燈永照名山巔祝釐祈

福佛有緣南天一杵鎮江水願萬萬禩無變遷

京口雜詩

山氣蒼茫水氣昏江邊城郭樹邊村千年重鎮依天塹

萬里洪流下海門空廨積芻供馬秣新洲投餌讓龍吞
興亡事業憑誰訴客邸閒將舊史論

二

前朝碑碣費摩挲名輩流傳勝蹟多寶筏西來曾演法
銅琶東去幾聞歌濤翻舸艦千頭鷁日射金焦兩點螺
極目汀洲殊曠遠最高惟有塔嵯峨

三

歷歷礮臺古戰氛蘇揚兩界此中分關門新砌瀕河路
塵舍遙連對渡雲諸道汎舟輸晉粟山西饑江楚之米皆自京口達列
屯傳鼓迓湘軍年來絕少荏苒警巡哨猶煩使節勤

四

擊楫中流壯志消風塵憐我鬢毛凋江樓寂寂梅花弄
野寺荒荒木葉飄夢裏鐘聲驚北固畫中帆影送南朝
僧廬泉味今猶昔領取茶香慰索寥

題蔡季白郎中西湖載酒圖

卅年十度遊杭州往往置酒湖邊樓樓窗四面納山翠
蕩滌苛慮消煩憂邇來奔走苦行旅風塵黯敝長安裘
滄瀛浩淼片帆過置身恍在三神洲當年清興不復作
夢寐猶憶吳山頭披君此圖頓超曠令我一豁雙倦眸
湖波緩緩明月舟天光倒映空青浮千鍾百觚相勸酬

挹取此水皆清流想君乘船似騎馬青驄油壁誰句留
飽看武林好風景酒泉應笑窮邊侯我愧江州守薄宦
未能重結猿鶴儔會須徧種彭澤秫招君西作鄱陽遊
五十自述

墮地爲男子經今五十年征輪疲繭足明鏡歎華顛官
是親民宰家無負郭田半生艱苦事歷歷寫詩篇

二

生少頗多病常蒙大母憐六年依寢息百藥起迤邐遽
抱終天恨殊慙負土賢明徐應魁事童孫今漸老回首益淒
然

三

最是孤兒痛髻齡
歎冥貧聯翩隨伯姊
長大賴慈親淒絕
烽煙累難支老病身
鄉書傳特行一讀一酸辛
先慈以義行特傳鄭志

四

事我猶如父難忘
仲氏情文章相砥礪
愁病苦支撐殘稿
留蟬跡深宵斷雁聲
頻年恆入夢枕簟淚交縈

五

孱弱難爲婦傷心病榻辭道君
非久困哀我總長離冷月披遺像
寒風憶故帷俸錢營汝葬卻恨一官卑

六

同學諸年少晨星落落稀
賤交情最摯死別夢何依
風雨雞猶唱山邱草不肥
篋中多賸簡披閱更嗟歎

七

卅載稱知己城西有草堂

謂徐柳泉舍人

高文源漢雋古籍補

秦亡近歲修圖乘相偕話梓桑
可憐垂死語鄭重託諸郎

八

仗劍從軍日杭嚴一帶舟風帆
驅獨夜更柝警殘秋節鉞官非
故繻纓願未酬拂衣歸去好閒臥
舊山樓

九

四度遭兵燹飄搖等絮萍有糧供鼠盜無地作鴻冥亂
艦江雲白荒廬鬼火青全家無恙在且自注騷經

十

夙負名山志成書未有期料量歐柳筆繕寫杜韓詩經
史多叢帙風塵待暇時祇愁弓冶緒頻次哭殤兒

十一

落拓青衫舊都門逐隊行五番來涉險一第始成名惻
惻江亭迢迢海國程河陽花有信無分到蓬瀛

十二

笑謝諸朋好殷勤致語來願招雲入座聊共月傳杯別
路將爲客官曹亦愛才預留湖水約老大季真回

六一山房續集卷四

六一山房續集卷五

戊寅

鄧董沛覺軒

戊寅

出門

卅載常出門遠無一年別從者祇僕夫亦未挈家室茲
行屈服官那可計日月眷屬隨我舟成數恰盈十恩恩
理琴書瑣瑣整衣物各各身手忙諄諄戒無缺顧我生
長村栖栖舊蓬華離緒相糾縈悠悠我心結

二

老姊憐我衰遣子隨西行朝夕依我旁兼課兒女經我

弟約僮僕檢拾須分明我妹語姑媼飢渴重叮嚀回頭
視長女手抱三歲嬰別我益思母但有嗚咽聲新婦歸
未基亦復雙涕零茫茫百端集惻惻千里征

三

賓朋頗笑語送我河之干揖我謂我好努力期加餐升
沈本無定但願行旅安顧我恨不樂再見知何年男兒
志四方不問行路難惟此宛轉心時共雲樹牽朔日東
南風吹我春水船春水如明鏡莫照羈人顏

晚次桃花渡

日暮客將去江平潮未來城烏半樓止沙鷺相徘徊干

尺水空際一官臣薄才風塵苦行色愁見桃花開

郁家灣

煙村如畫水如油津柳垂垂綠已稠爲爾更添離別意
昨宵春夢酒壚頭

櫟樹埧

娥江舊日道青浦九牛挽舟健如虎今年改道櫟樹村
西埧迤長舟子苦吾船渡江來自東蒲帆雨溼天無風
西有沙塗難近岸候潮且泊江流中閱兩時許潮始漲
舟子撐船頭直上六七大索齊綬舷五十二蹄牛踏浪
人騎牛背加勁鞭旁有兩縷多人牽圓木橫船更牢繫

餘夫用力承以肩一前一卻船身重百口喧呼勢騰踊
雛兒嬌怯依母懷我在船中亦危竦須臾過埧疾下灘
船頭激水如奔湍長虹欲斷雨暫歇薄有日色明西山
西山去此可十里山下村廬夕煙起解囊沽酒且弗眠
醉草家書付雙鯉

柯亭

亭上無竹椽亭下有流水眞賞千年希椎琴謝知己

蕭山道中

漸覺鄉關遠殘春客路中感時花寂寂連雨樹濛濛岸
曲難施緯橋低屢卸蓬湘湖清可挹頗與我懷同

過義橋小憩韓家店題壁

落拓遊蹤廿載前
重來不識舊林泉
舞臺深閉燈船散
老去青娥劇可憐

二

越江依舊水東流
沙滑灘低客喚舟
猶記富春明日到
浙西山色望中收

泊節溪

江船兀坐夜沈沈
一雨兼旬冷不禁
風力搖燈頻障袖
溜聲穿石似聞琴
每繙六代愁霖賦
難慰三農望歲心
旅思淒涼眠未得
漏殘猶自擁孤衾

七里瀧

今晨忽開霽洗出山青青順風張兩帆逆與江流爭瀧
狹水如箭激射無留停猶恃人手健協力相支撐夥伴
六七輩曳繹循隄行高可度山脊儼若飛鳥輕飛鳥集
林木亦有怡悅情似解弄晴色交作笙簧鳴

二

春光一以媚旣雨晴更佳茶樹吐新綠紅簇鵬花開搗
籃競收採笑語多村娃不畏石壁險登降如梯階削翠
千仞峯俯瞰江之隈吾舟過其下作勢疑崩頽山村四
五家煙起當晝炊舟人力少倦暫泊嚴陵臺

三

前山復後山山抱若無路船到山盡頭一轉忽呈露深
溪橫石梁懸崖挂瀑布剝落蒼苔痕蔓葛與交互昔我
從軍來憑江作屯戍猿鶴今已空且復狎鷗鷺出瀧日
在西驚颿亂江樹漸覺天冥冥一霎雨如注

蘭溪縣

揚帆曉發睦州城暮入蘭溪水更清巖壑出雲孤塔聳
樓臺倚郭萬燈明估舟絡繹輸津課更析稀疏臥戍兵
卻幸吾船移近岸靜聽人語雜灘聲

衢州

自昔分西部新從驛路經書空殷子宅逸老趙公亭江
氣浮天白山嵐入郭青爛柯樵跡斷何處問仙靈

二

側想

中興日南來將士功三年全浙定一恃上流雄劍削關
門險檣聯饒道通居民談往事旌旆尙英風

自常山至玉山

常山浙境偏樓堞半摧落是亦巖險區乃等宮城惡籃
輿肩我來迤邐出西郭山路頗坦平山樹自縈絡廢壘
當衝衢澄澗出幽壑耳得松風聲飛鳥與回掠村農老

猶健辛苦趁東作願卜今歲豐庶徵民氣樂

二

囊篋權重輕先日以籌計一觔需六錢擔夫有恆例泥
滑難疾行中道或留滯微雨沾衣裳少頃復晴霽下輿
謀晝餐野店暫時憩聊慰飢渴心食焉不知味殘陽微
有光空濛接雲氣怱怱度石橋無暇看嵐翠我輿穿城
過卸裝息旅次街市咸上燈倚榻且安睡

河口

江路分深淺西來此要津船經關吏放村有堠兵巡狹
道妨車轍奔流激碓輪買魚供晚食酒味恰嫌新

貴溪縣

迢迢弋水片帆來一字長橋鐵鎖開漢代名山龍虎氣
楚軍遺壘鶴蟲哀宦遊幾輩稱循吏戰伐當年仗霸才
欲寄鄉書千里隔夜看江月共徘徊

瑞洪鎮守風

水村漠漠雨霏霏夕浦停舟燭影微應是西風來有意
好吹吾夢一東歸

謁張睢陽廟

江淮保障睢陽功死能捍患公之忠南雷二將左右手
斷指射面皆奇雄當年賴有三吳粟民安耕鑿輸租庸

微公百戰堵強寇豈免轉徙兵戈凶萑弘碧血已磨滅
猶覺宰樹生英風後來燕都啓王會南漕北上天庾充
汴泗橫流勢交阻卓哉陳宋開會通千艘萬艘接頭尾
帆檣矗矗天半空公以神威默相佑揮斥百怪驅豐隆
想其所志在君國閱時雖異心則同安瀾濟運著明效
公視冀北猶關中煌煌八字錫神號翼翼三廟司秩宗
清河丹徒暨浮梁祀事不越江西東居民愛戴別建祠
乃有一所留瑞洪吾舟過此幸登謁鬚髯凜凜瞻遺容
溪縈沼芷各申禱誰與比者旌陽宮與公同稱惟許守
偃師一劍撓兇鋒河隄高高助修築山陽亦拜眞王封

康郎山懷古

康郎山下康郎湖兩賢相厄陳與朱樓船百丈武昌下
飛書乞援洪州孤吳王臨朝召諸將埽境興師決西向
留侯定策紀信從楚漢滎陽爭得喪康郎一角山不高
迭進迭退諸軍鑒旌旆蔽空鳥無影九彈墮水龍亦號
六十萬人半生死湖波染作血痕紫劉張尅勝尙需期
陡見吳王舟擱水從官疾救飛權來沙塗驟漲王脫危
敵人環伺更相逼御舟頃刻成飛灰韓成慷慨拚一決
改服王衣表臣節空聞丑父取華泉已作魏錡夢泥月
諸公烈烈雖殉身皇天有意開真人安排火攻出奇計

原缺

一例邯鄲難學步新人初嫁雖有衣梅實傾筐怨遲暮
君今束裝行入都長途萬里與區區願君快意騁鞭勒
猶當南憶羈人處吾處近城不盈咫尺城外東流是章水
閒雲潭影空悠悠目送長江布帆駛

滕王閣

飛閣登臨霽色間仙人一去幾曾回江流南界無今古
鳥度西山有去來隔岸疏林疑入畫對窗斜日照衡杯
落霞秋水對常語何處閣公更愛才

王文成祠

獨奮勤王旅奇功指掌成艱危中策運形勢上流爭鋒

子分藩地先皇靖難兵猖獗通警息孤火肆縱橫未遂
司青願翻圖矯制名李劉期佐命孫許矢完貞銜尾千
艘下攻心一戰平樞臣原廟昇部將竟書生事貴臨機
斷謀先反開行艤艫燔赤壁車檻困青城支庶高牆慘
妃嬪止水清獻俘將北上頒詔尙南征委曲剛勳狀從
容挫逆萌邊軍俱釋甲外嬖遂旋旌已破長蛇夢幾同
走狗烹羣官多抑塞繼代始衰榮風雪麻衣淚河山鐵
券盟世封傳後裔崇祀慰遺氓丹雘輝煌象黔黎愛戴
情神絃迎送曲猶作凱歌聲

曾文正祠

湖山佳氣鬱蔥蔥丞相祠堂棘院東夜聽旌旗風颯爽
晚看樓閣日曛曛南天半壁元臣略西域頻年舊部功
聞道回疆新底定九原應亦慰深衷

送趙撫叔司馬

之謫

攝鄱陽

讀書貴取友以君知君名江湖時千里契合惟神明
時來捧官檄旅次車蓋傾握手已如故歡笑慰平生君負
兼人資落筆風雨驚我以酒上侯附之牛耳盟所惜一
月聚乃作鄱陽行轉解飢渴衷又苦離別情恩恩飛行
色觸耳墮歌聲能使戚者舞安得雍門箏

五載寓洪都手創地道記眾喙不敢鳴開口奪之氣人
訖賴橫才或未就鞍轡豈識豈弟心肫然古遺愛鄱陽
濱巨湖地望此州最通儒落一官奚止支無害揮扇揚
仁風催利寓撫字貧者贈人言君應不我棄酌彼清灣
流自昔有賢吏行矣君弗淹江天趁晴驛

南昌懷古

湖山形勝望中收申畫荆揚建此州地控白蠻開嶺脊
江分九派出吳頭西來寂寂陳蕃榻北顧茫茫庾亮樓
應識豐城無劍氣太阿知己已千秋

季代英雄割據偏
恩恩楚帝七書年
長安本色鍾傳節
建業歸魂李璟船
雲樹連青荒壁壘
土花深碧蝕戈鋌
蠻爭觸鬪渾何事
槐國衣冠總可憐

三

靖難移封兆禍階
天教逆迹早安排
僞廷師相誅劉李
屬郡宗藩賸益淮
顛倒功名新國姓
飄零脂粉舊宮娃
鄱陽一炬軍心散
湖水滔滔盡木牌

四

江湘義旅半消磨
誰道金王竟返戈
援絕糧空搜鼠雀
圍長網密困蛟鼉
呂嘉授首難踰嶺
謂李成棟稽仲捐軀肯

渡河謂姜忠確二十萬人遺壘在南征第一用師多

徐烈婦詞

十七歲歸徐氏二十八殉夫死生相歡死相比烈婦之烈乃如此一解烈婦少日苦賤貧其父鬻之豪家門豪

家與婦本同姓行年十六謀為婚吳取於吳安復論二

解情諷之辭以禮威劫之投於水投水遇救乃脫其危

遂以賤售作徐郎妻三解郎吟朝侍側郎畫夕研墨徐善

蘭歸郎十年產一女可憐郎作他鄉客四解他鄉何迢

迢郎在春申浦望郎歸未歸思郎苦復苦嗚呼思郎苦

復苦何况聞郎之死更無主五解具沐浴更衣裳告明

神誓從郎乘人不備遽仰藥夫死同月烈婦亡

六解光

緒初歲丁丑日甲戌月維九黃泉相見死爲偶萬歲千

秋白頭守人世之年那能久

七解

夫何名徐有斐婦何

來忘邑里但知爲浙人吳姓之女清白身

八解

高玉山

低玉溪婦皎皎爭光輝舊令張侯

鵬程

來徵詩我歌此篇

無溢辭

九解

調某郡判

華堂繡幃春風香迎鴻送燕皆尋常女兒中有冰雪腸
厭飫珍錯甘糟糠安仁落拓甫悼亡薄游滬瀆過平康
盈盈弱質病在牀爲爾手寫蘇沈方飲之霍然如瓊漿

況有款語殷勤將從此宛轉心繫郎相愛何必年相當
恩恩一別來豫章魚書迢遞殊苦長決計檢拾黃竹箱
花鈿翠珥雲衣裳隨身尙有千金裝風帆遠駕江天航
入門再拜充君房紅粉偎倚鬚鬢蒼躬理櫛沐調羹湯
雙飛雙宿盧家梁奈何一醉恣披猖驚飈驟雨摧孤芳
籠鳥不作替戾岡老拳毒手勒與陽生也薄命嫁異鄉
十分謾惜良人良妾身佩此明月璫願如漢鏡毋相忘
慎勿打鴨驚鴛鴦我將罰汝三百觴

張公東明府以春柳詩屬和原用漁洋秋柳韻依
答之

婆娑春事黯消魂無數楊枝綠到門長日可憐垂手舞
新年初仿畫眉痕溯洄官舫江邊渡躑躅征車雨外村
如此才華偏冷落梁園賦筆與誰論

二

晚篷明月曉鞍霜別恨年年曲水塘怨女飄搖迴雪袖
故人鄭重寄書箱夢中金縷空懷杜望裏朱門舊姓王
聞道秦淮多巧樣可能繫馬大功坊

三

宮苑曾披染汁衣移來南國想都非一官彭澤風塵悴
十里章臺信息稀鞭影不隨流水去衫痕怕逐亂花飛

潛潛元子瑯琊淚同此平生壯志違

四

漂絮浮萍亦自憐渭城微雨禁城煙京江街市程遼闊
鄉國關河恨邈綿窮士衣糧悲共命用琴操革子事貴家車蓋
問何年照人猶望春陽好一帶青青古道邊

簡公東

苦被連番雨江湖滯客思且將癡蝶意訴與獨鷗知料
理三年艾消磨兩鬢絲文園近無恙奏記不須遲

和作

嘉興張鳴珂公東

同抱匡時略相逢慰所思風塵雙劒合歌嘯一鐙知

遊子懷慈綫才人豔色絲丹砂句漏好接采莫遲遲

預修江西志卽事有作

西江纂圖乘綿歷將十年依仿謝書例約略諸史編

謝蘊

山廣西通志體例最善首訓典次表次略次錄次
列傳略依史法阮文達廣東志从之是書用其例大體

自宏整細累未盡刪書傭亦草草觸目皆烏焉我來甫
兩月充作詳定官全書屢易稿命我重校刊濫吹王門
竽殊忝公家餐朝出恆暮歸埽葉弗憚煩

二

書局濱東湖寄寓丞相祠

局設曾文正祠中

頗嫌室西嚮赤日

當庭墀同官多浙產

趙撫叔王松溪張公束諸君

與我皆心知疑義

相與析敢以模稜譏一書可千古精確非易爲廣廈出
眾手我惟丹腹施炎天汗如浴長晝目亦疲能事毋迫
促願假一載期

東湖晚眺

夕照當門影已斜湖光澄澈綠無涯枯荷淺水留殘蓋
疏柳平隄趁小車魚沫吐波纖作霧鷺拳棲樹遠疑花
何來秋色添眉宇城外西山有落霞

雨夜泊南浦和王松溪明府

鷗羣低飛雁羣宿斜纜洲頭紐枯木欹蓬坐飲且弗眠
魚味新烹酒新漉風聲拉颯兼雨聲寒氣入艙屢搖燭

舟雖已住仍不住前帆後帆似相逐且與王勃同賦詩
安比興公快登陸東西轉側不自由此亦風塵困僕僕
明朝日出吾船歸潭影嵐光蘸濃綠

原作

錢塘王麟書松溪

扁舟一夜沙頭宿夜半風聲撼林木風聲未歇雨聲
驟打入篷窗暗淋瀝攬衣起坐勢傾側短燄沈沈炷
闌燭波濤吞吐汨船底若有蛟龍隱追逐我行滄海
屢涉險區區此江視如陸聊與廣川話舊事溫酒燒
茶命諸僕曉光漸透風雨住船脣飽看西山綠

黃南樵廣文

元坤

招同人飲百花洲

涵納全湖景軒窗面面開羣花徒幻想

洲名百花一輩實無花也

盡清才石本摹詩帖波光泛酒杯祇嫌遊賞地絕少畫船來

題黃南樵柳溪夢隱圖

惘惘東出門迢迢隔鄉里鄉里兵火區宛轉念遊子遊子亦念家家門對溪水溪上楊柳枝春來綠何似似我離別情車馬勞未已旅館一昔期歸夢舊桑梓親孥各無恙相見大歡喜睽隔曾幾何在苒木如此岸巾披氅衣居然作隱士喔喔村雞鳴恩恩攬衣起起看圖中人面目亦猶是冷署苜蓿盤門庭淨若洗莫笑非故園此

官眞隱耳

移寓桃花巷

高秋霜信薄寒天料理琴書付一肩當代應無司馬丈
杖頭羞澁買鄰錢

二

飄泊江湖不繫舟春風消息半沈浮江南已判東西道
莫認齊梁古渡頭

贈程蒲孫

秉鉅

橐筆西江五載期故鄉歸信尙遲遲貧交把酒論心契
獨客思衾耐腹悲治譜徧緝千種史

君方纂江
西宦蹟錄

謗書爲

斯數章詩從來處世多長策肯拜瀛王作導師

和作

積溪程秉鈞蒲孫

霜鬢安仁十載期江關蕭瑟欲歸遲青萍風雨文章

賤丹荔河山戰伐悲

謂粵中近事

三史久推司馬筆八哀

差許杜陵詩恩讎到眼皆平等應共齋心祝本師

姚簡叔潯陽送客圖爲李藝垣太守

維翰題

潯陽江頭吳楚界唐人送客明人畫畫絹已舊顏色新
寫出潯陽秋一派秋山秋樹秋月明一主一客扁舟停
但見商婦倚篷坐不聞水上琵琶聲琵琶無聲飲無酒
老去青山淚痕久昔感江州司馬心今入湘中李侯手

李侯愛畫兼愛詩屬我重擬香山辭風塵冷落同浩歎
我官更比司馬卑年來賈胡自西至潯陽遂號回圖地
琵琶亭陞空無存卻讓穹廬作生計法國購亭陞作洋房況兼澤
國多水災潯江倒灌鄱湖來流民之圖繪鄭俠侯亦軫
此哀鴻哀今夏南昌大水街衢如河侯請於上官以小舟載糴糗分食餓者傷今弔古
半陳迹可憐船舫東西客蘆花楓葉不知愁依舊江邊
弄秋色

過李秀峯廣文

乘時

寓園

未歷滄桑劫園花尙舊容地鄰高士宅客寓丈人峯

園傍

東湖爲汪少谷太守世澤別墅君婦翁也

晝靜門常掩雲低徑不封儘探幽

勝處徐步欲攜筇

二

庭院多空隙窗寮自洞靈竹添虛壁翠柳借隔隄青驢
倦思投足鷗閒看刷翎半年湖上住遊跡未曾經

三

置我清涼界迴廊曲折過傍垣通略約橫榻面陂陀籬
束簾籬緊池浮藻荇多擬添舟一葉佳日蕩湖波

四

此亦居城市囂塵不到門遠招山人閣近倚水成村瘦
石支猿骨寒煙夢蜨魂何當重問訊尊酒細評論

歲除日作

出門辭歲衣冠忽忽曷不憚勞下吏之恭

二

入門守歲焚香對花怒焉獨坐遊者思家

三

言陳酒醴神具醉止爆竹一聲大眾歡喜

六一山房續集卷五